


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 22 1940

T9299/4911

12



海錄碎事卷第九下

哈佛大學漢和
圖書館珍藏印

宋

泉州太守葉廷珪

類集

明

河南僉憲劉鳳

鳳

重校

愁樂門

喜怒嗔笑附

奮髯

見太守門

襍破

梁元帝與廬陵王續相惡聞其薨入閣而躍襍為之破

老革

彭美左遷江陽太守美曰老革荒悖可復道耶蓋罵蜀
先主為老革猶老兵也

慨慷

慨當以慷憂思難忘注慨慷嘆也魏武帝短歌行

世故

應瑒流離世故頗有飄薄之嘆

五難

五難既洒落注養生有五難喜怒聲色滋味神浮精散
許詞詩

憂衿

信矣勞物化憂衿未能整顏延之詩

憂能傷人

孔文舉謂盛孝章單子孤危愁苦如使憂能傷人此子
不復永年

笑疾

陸機見張華華令雲來機曰雲有笑疾華以錦囊盛須

雲見大笑不止

顏峻嗔

顏峻嗔而與人官謝注笑而不與人官

九愁

梁元帝望水詩云懷山殊未已徒然勞九愁

氣踊如山

氣踊如山孫權之言盖忿氣也

萬斛愁

庾信愁賦曰誰知一寸心乃有萬斛愁

寄愁天上

仲長統詩云寄愁天上埋憂地下

愁城

庚信愁賦攻許愁城終不破蕩許愁門終不開何物者
愁能得熟何物燒愁能得然閉門欲驅愁愁終不肯去
深藏欲避愁愁已知人處

愁門 見上

百端集

衛洗馬初渡江形神憔悴語左右曰見此茫茫不覺百
端交集衛玠也

愁逼夜長

愁逼夜長斜漢迴而脉脉寒侵夢淺行雲去以遲遲
成式

已憂儵見水族門

愁鬼

特解寬衣帶偏能損面皮謂愁鬼也

愁猿弔影

愁猿弔影而危處今叫秋木而長吟李白集

一水牽愁

一水牽愁萬里長李白詩

書室坐愁

書室坐愁亦已久矣李白文

愁洽萬年

愁洽萬年苦溢千歲七命

髮如竿

育獲之儔植髮如竿西京賦

解悲愁

奉黃金百斤爲相如文君取酒因于解悲愁之詞工爲也

鮮歡

戚貌瘁而鮮歡思舊賦

彪休

鬱怒彪休注怒貌

玄髮歡

各勉玄髮歡無貽白首嘆謝惠連詩

悲從中起

張孟陽七哀曰悲從中起魏武帝短歌曰憂從中來

千念

千念集日夜萬感盈朝昏謝靈運詩

憂來無方

憂來無方人莫之知魏文帝樂府

人生如寄

人生如寄多憂奚爲魏文帝樂府

恨端

彌起長恨端鮑明遠

噤吟笑

蔡澤以噤吟而笑唐舉噤欺稟反吟疑甚反

青鬢丈人

青鬢丈人不識愁施有吾詩

牢愁

牢愁謾訴空階雨羈宦閑傷落日春林逋詩

封恨

除却洛陽才子後更誰封恨弔懷沙褚載詩

愁陣

禪伏詩魔歸靜域酒衝愁陣出奇兵韓渥詩

苦雨愁霜

苦雨愁霜時聞短韻東門梁父罕接正聲四六集

疊二忤

兩事忤意杜牧云疊二怒

頽洞

杜詩憂端齊終南頽洞不可撥淮南子曰鴻濛頽洞莫知其門

門生門

玉笋門生

因話錄李宗閔知貢舉門生多俊秀時謂以玉笋門生

門生良田

廣記崔羣妻嘗勸樹莊田為子孫之計笑曰予有三
所美良田遍在天下又何憂夫人曰不聞有此業曰余
前歲放榜三十人豈非良田耶

舉將

鄭弘為太尉舉將第五倫為司空班在下弘不自安帝
知之聽以雲母屏風分隔

門生紀言

門人牟准魏敬侯碑陰云故吏述德于隧前門生紀言
于碑後

會聚門 經過附

一會面

喜茲一會面若覩瓊樹枝 李白詩

聞閑

聞閑且共賞莫待繡衣新 韋蘇州詩

蘭臺聚

南齊劉溉劉孝綽劉苞張率劉顯及劉洽號蘭臺聚

金門嶺

若遺金門步見就此山岑 謝玄暉詩

游衍

于役儻有期鄂渚同游衍注衍樂也 謝玄暉詩

三五夕

與我別所期期在三五夕 謝靈運詩

良覲

搔首訪行人引領翼良覲 謝靈運詩

半舟閑

潘游全壁散郭去半舟閑 李義山詩

牀下鞵

迨今兩攜手

枉道相過

今遣騎至鄴故使枉道相過 魏文帝書

宛轡

宛轡憇通衢屈也 陶淵明詩

枉帆

枉帆過舊山謝靈運詩

枉相存

魏武帝樂府越陌度阡枉用相存存問也長門賦孔雀集而相存

品題門

規檢禰衡

北齊邢子廣曰盧詢祖有規檢禰衡盧思道無冰稜文舉

世龍門

一世龍門王衍

齒牙餘論

謝眺好獎與人才曰士子名聲未立宜共獎成無惜齒

牙會論

端委廟堂

晉明帝問謝鯤曰論者以君方庾亮如何曰端委廟堂使百僚准則鯤不及亮一丘一壑自謂過之

駑牛

龐統謂陸績為駑馬顧邵為駑牛曰駑馬雖精所致一人耳駑牛一日行三百里所致豈一人之重哉出蜀志

癡黠半

顧愷之在桓溫府常云愷之體中癡黠各半合而論之之正得平耳

三反

魏王肅評曰劉寔以肅方於事上而好下佞已此一反

也性嗜榮貴而不苟求二反也恠惜財物而沾身不穢
三反也

鑒懸日月

鑒懸日月辭富山海出文心彫龍

舌端月旦

舌端月旦皮裏陽秋段成式

累心都盡

郗尚書常稱謝慶緒識見雖不絕人可以累心處都盡
謝敷字慶緒本傳

賞裁

庾道季讀陳東亭經酒壚下賦都不下賞裁

單門後進

單門後進必加善誘任彥升序

一面之榮

一面之榮鄭璞踰于周寶一言之譽東陵侔於西山

宰相門

袁粲見王儉歎曰宰相之門也栝柏豫章雖小已有棟
梁之器

棟梁器見上

標榜人物

廷尉卿崔光韶好標榜人物

次客

劉法壽與弟崇吉及崔道固劉賓俱歸魏以法壽爲上
客崇吉爲次客崔劉爲下客

第一客

薛安都歸魏其子道標道異亦以勲為第一客

當為黃散

山公啓事曰郗詵才志器局當為黃散謂黃門侍郎散騎常侍也

曾中柴棘

深公云人謂庾元規名士曾中柴棘三斗許世說

塵垢囊

林公謂王文度為塵垢囊世說

懷想門

悽其

欽聖若旦暮懷賢亦悽其謝靈運詩

存故

愛似莊念昔久敬曾存故謝靈運詩注游子多悲解
增戀愛其似者若莊生之念疇昔久而愈敬歎曾子之
存故交莊生舄也

眇天末

佳人眇天末陸士衡詩

美無度

非君美無度孰為勞寸心謝玄暉詩

賞心晤

永絕賞心晤對也謝靈運詩

隔思存

神交疲夢寐路遠隔思存沈休文詩詩曰雖則如雲匪

海錄萃要 卷九下 九
我思存

不面

皇甫規與趙壹書云蹉跌不面企德懷風

遙悚

真承清誨以釋遙悚同上

戲題未泯

南薰集序津樓壞棟紀別依然野寺頽垣戲題未泯

向陽翹

引領望天末譬彼向陽翹葵藿向日也陸士衡詩

夢容輝

夢想見容輝選古詩

鶴立

實依鶴立企佇之心曹子建表

龜思鼈望

語曰龜思鼈望今龜鼈皆隔津望卯也

逆旅門行役思歸附

治行

漢武帝使鄭當時視決河自請治行五日上曰吾聞鄭當時千里不齎糧請治行者何也

祗役

祗役出皇邑相期憇甌越謝靈運詩

侵星

侵星赴早路畢景逐前儔鮑明遠詩

夜衰

擾擾整夜裝肅肅戒徂兩徂往也兩車也謝玄暉詩

稅歸鞅

行矣倦路長無由稅歸鞅稅息也鞅駕也謝玄暉詩

紆鬱

婉孌居人思紆鬱游子情陸士衡詩

客子

棄置勿復陳客子常畏人魏文帝

客行士

眇眇客行士徭役不得歸曹子建詩

連翩

浩蕩別親知連翩戒征軸曹子建詩

整裝

整裝辭秦川秣馬赴楚壤王粲詩

流芳歇

誰謂客行人屢見流芳歇劉休玄詩

車殆馬煩

日既西傾車殆馬煩曹子建洛神賦

子立

策策子立形影相弔李令伯

旅翩

渤解方春旅翩先謝吳季重牋

長安樂

桓譚新論云人聞長安樂出門向西笑人知肉味美即對屠門而嚼

隴頭水

見地門

改乘

馬融賦云改乘回轅左傳改乘轅而北之

孤禪

孤禪安逆旅警句語誰人林逋詩

回軒

回軒應睽睽將與嶺雲疎陸士衡詩

行衣

荷香隨去棹梅雨點行衣征衣也耿緯詩

初程

劉昭禹送人詩春光懷玉闕萬里起初程

三五月

關山三五月客子憶秦川徐陵詩

水稽程

迴山時阻路絕水亟稽程吳子夜詩

行滕

方解行滕猶揮利楫謂舍陸趨舟也李義山文

鐙驢

林逋送人無為軍水次軍城囊劔入雨餘村塢鐙驢看

擎劔

今朝擎劔去何日刺蛟回李賀詩

旅歌

客遊詩旅歌屢彈鋏李賀詩

客帳

幽眠枕劔匣客帳夢封侯李賀詩

三會角

李士元登單于臺詩殘陽三會角吹白旅人頭

無際帆

予本萍泛者乘流任西東茫茫無際帆棲泊何時同薛

據詩

滯客

久為滯客其意謂何逐貧賦

虱暴

虱暴妨歸夢虫喧徹曙更段成式

淚萬雙

京華不啻三千里客淚如今一萬雙李嘉祐詩

駢駮倦路

駢駮倦路載寢載興曹子建責躬詩

迅足

逸翮思拂霄迅足羨遠游郭景純詩

拜嘉慶

上堂拜嘉慶入室問何之顏延年詩

久滯淫

荆蠻非我鄉何為久滯淫注淫猶留也王仲宣詩

成衰

成衰候良辰謝惠連詩

孤征

懷役不能寐中宵尚孤征陶淵明詩

軌路長

眇然軌路長
憔悴征戍
勤軌車跡也
顏延年詩

江路

江路西南永
歸流東北驚
謝玄暉詩

似客游

湯湯中流中
有行舟隨波轉
薄有似客游
魏文帝樂府

遠行游

負劍遠行游
鮑明遠詩

夜中飯

居人掩關臥
行子夜中飯
鮑明遠詩

客行樂

客行雖云樂
不如早還家
李白詩

戒征軸

連翩戒征軸
謝玄暉詩

蠖局

僕夫悲余馬
懷兮蠖局顧
而不行
音拳
離騷

情眷眷

情眷眷而懷歸
登樓賦

雨破程

花燒落第眼
雨破到家程
王建詩

外獎

沮漳自可美
客心非外獎
王粲詩

月迺夢

薛瑩海上花
留身住越
月迺夢還秦

悲歌

悲歌可以當泛遠望可以當歸思念故鄉鬱鬱累累又云欲歸家無人欲渡河無船心思不能言腸中車輪轉古樂府

絮征袍

明朝驛使發一夜絮征袍 李白詩

三成弦

郢門一為客巴月三成弦

僑裘撰行

僑裘撰行去國遐陟 李白文

慊慊

慊慊思歸戀故鄉何為淹留寄一方苦篔切心不足貌

魏文帝

故山

故山日已遠風流豈還時 謝靈運詩

衣繡畫行

魏志張既為雍州刺史太祖曰還卿本州可謂衣繡畫行矣

馬煩轡殆

馬煩轡殆言馬疲煩而轡危殆 陸士衡功臣頌

良馬煩

威遲良馬煩 顏延年詩

紆組

我行雖紆組 謝玄暉詩

旅思搖搖

旅思倦搖搖謝玄暉詩

孤遊

孤遊昔已屢上

薄遊

薄遊第從告上

接浙

不接浙而行孟子注浙漬米也不及炊乃反接之而去

客無腸

廣記鬼作思家詩佳人應有夢遠客已無腸

苦顏

成歸望邊邑思歸多苦顏李白詩

計日歸

胡塞塵清計日歸漢家草綠遙相待李白詩

稅歸鞅

眈然一水隔何由稅歸鞅

越鄉憂

誰令乏古節貽此越鄉憂越違也鮑明遠詩

宿留

武帝既見大人迹及羣臣言老父則大以為仙人也宿留海上注宿留有所須待也上先就反下力就反

治嚴

漢明帝諱莊故相襲謂辦裝為辦嚴治嚴

夜猿悲

海鏡碎事 卷九
疊障易成響重以夜猿悲 范彥龍詩

離別門 相思附

夷猶

謝玄暉詩停驂我悵望輟棹子夷猶夷猶悵望貌

前期

平生少年日分手易前期及尔同衰暮非復別離時 沈休文詩

清路塵

古詩君為清路塵妾為濁水泥

昧平生

雖有五載別相與昧平生言如不相識也 顏延年詩

一別如雨

風流雲散一別如雨 王仲宣贈蔡子篤又杜詩別離

雨散

鹿聚

孔叢子高與鄒文季節為友季節歸魯臨別流涕子高執手而止曰人生豈當如羣鹿聚

此別

謝惠連詩哲兄感此別相送起林垞此亦別也 匹婦反

袂判

中流袂就判欲去情不忍 謝靈運詩

脈脈

誰云相去遠脈脈阻光儀音陌不見貌 陸韓卿詩

沈心曲

海錄萃言 卷之六
思子沈心曲長嘆不能言

營魄

陸士衡營魄懷茲土精爽若飛流營心俯魂魄懷於此土也

天末

借問嘆何為佳人眇天末陸士衡詩

如邛願

投沙理既迫如邛願亦愆言如相如謝病歸臨邛也謝惠連詩

悵悵音草

懷情徒悵悵淚下空霏霏

非吾土

信美非吾土祗攬懷歸志潘岳自河陽遷懷縣作蓋有

思京邑之懷

遠度

如何懷土心持此謝遠志謝靈運詩

十念

十念集日夜萬感盈朝昏上

千里目

懷矣自遠風傷哉千里目顏延年詩

異縣

他鄉各異縣展轉不相見古樂府

會面

道路阻且長會面安可知

衣帶緩

相思日已遠衣帶日已緩選古詩

一水間

盈盈一水間脈脈不得語選古詩

秋蒂

邈若墜雨翩似秋蒂謝朓辭新安王晟喻已別王如之

勞結

雖書疏往返未足解其勞結魏文帝書

勞積

其於別遠會希猶不盡其勞積也上

折其榮

攀條折其榮將以遺所思選古詩

離旗

陳寶應反閩中僧惠標送以詩云送馬猶臨水離旗稍

引風

數日惡

謝安謂羲之曰中年以來與親友別輒作數日惡羲之

曰年在桑榆自應尔

壘猿聲

吳融送人赴峽州云壘猿聲裏獨之官

突煙

郭璞詩君如秋日雲妾似突中煙高下理自殊一乖雨

絕天

歸雲征

李充送許從詩來若迅風流逝如歸雲征離合理之常
聚散安足驚

驚風散

棗腆贈石崇翁如翔雲集忽若驚風散分塗還離祈對
樂增累歎

分塗見上

離衿

張祐送人詩孤舟越客吟萬里曠離衿

春春

陸瓊長相思容貌春春減書字朝朝減

車輪生角

陸龜蒙君心欲漂落妾意正棲託願得雙車輪一夜生

四角

心心

心心不相照望望何由知陸瓊詩

向隅眉

劉繪有所思共銜滿堂酌獨斂向隅眉

空張空一作高

王融有所思空張更何已滿飲終自欺

寄情

仰頭看明月寄情千里光吳子夜詩

車遙遙

車遙遙篇古樂府也詞云車遙遙今馬洋洋追思君今
不可忘

海錄碎事 卷九
愁肺

旅酒侵愁肺，離歌繞懦絃。李賀詩。

兩條淚

詩：封兩條淚，露折一枝蘭。上。

紅淚客

涼月生秋浦，玉沙鱗鱗光。誰家紅淚客，不忍過瞿塘。李賀詩。

一雙淚

李賀別皇甫湜，凭軒一雙淚。奉墜綠衣前。

酸風

李賀東關酸風射眸子。

解手背面

韓子祭張員外云：解手背面，遂十一年。君出我入，如相避然。

飛鶴形

飛來雙白鶴，乃從西北來。言雌病雄不能負之，而五里一反顧六里一徘徊。雖遇新知，終傷乎生別離也。古樂府。

揚其灰

有所思古詞言有所思，乃在大海南。何用問遺君，雙珠璫。瑁簪聞君有他心，燒之當風揚其灰。

釣竿歌

伯常子避仇河濱，爲漁者。其妻思之，爲釣竿歌。

徑寸心

以我徑寸心從君千里外 古文苑

西飛翼

不見一佳人徒望西飛翼上

分絃

分絃饒苦音別唱多淒曲上

卷中人

唐裴敬中為察官奉使蒲中崔徽相從敬中回徽以不得從為恨久之成疾寫其疾以寄裴曰崔徽一日不及卷中人矣 出麗情

寄淚

灼灼錦城官奴御史裴質與之善裴召還灼灼每遣人以軟綃聚紅淚為寄 出麗情

天一而

何況杳未期各在天一而 何遜

一星殘燭

一星殘燭照離堂 羅鄴詩

賴酒昏

行客思鄉遠愁人賴酒昏 司空曙送人詩

錦裘字

古別離已門都萬騎又道入重圍一軸錦裘字致君終不歸

左親戚

今天下游士左親戚棄墳墓去故舊從陛下者但日夜望咫尺之地注左親戚言乖離之意 西漢張良傳

海錄碎事 卷九
歌驪駒

注逸詩篇名也其辭云驪駒在門僕夫具存驪駒在路僕夫整駕

間何闊

諸葛豐爲司隸校尉刺舉無所避京師爲之語曰間何闊逢諸葛注言間者何又闊不相見也

停歌罷笑

停歌罷笑雙蛾催李白詩

明月環

從軍玉門道逐虜金微山笛奏梅花曲刀開明月環李白詩

火滅星離

張陳竟火滅蕭朱亦星離李白詩

東風吹夢

西憶故人不可見東風吹夢到長安李白詩

別恨多少

問余別恨今多少落花春暮爭紛紛李白詩

山陽別

惜此林下興愴爲山陽別李白

金瓶落井

金瓶落井無消息令人行嘆復坐思李白詩

山荅鼓

青山荅鼓送行舟歐陽永叔詩

離袖

離袖安可揮 鮑照詩

路捷

留歡貴山遙惜別愁路捷上

歌眼

歡觴為悲酌歌眼或泣衣上

掛帆席

李白江上詩明晨掛帆席離恨滿滄波

大語聞

大語猶可聞故人難可見言所居近也李白詩

同心句

古樂府 梁元帝詞云相逢半路溪隔溪猶不渡摘贈

蘭澤芳欲表同心句

估客樂

古樂府也詞云有信數寄書無信長相憶莫作瓶落井
一去無消息

榆火葭灰

既十新榆火又七變葭灰

淚與線長

淚與線長心如針貫

重一面

地近輕數見地遠重一面

淚滋

親賓兮淚滋恨賦

心折

海錄萃集 卷九下
心折骨驚別賦

氣結

悲與親友別氣結不能言古詩

抱影

抱影守空廬又風賦曰廊抱影而獨倚

澹忘歸

游子澹忘歸澹安也謝靈運詩

飛駕

惆悵瞻飛駕引領望歸旆陸士衡詩

歸旆見上

樹背襟

安得忘歸草言樹背與襟陸士衡詩

忘歸草見上

絃與箏

離合非有常譬彼絃與箏陸士衡詩

洲渚言

辛勤風波事欸曲洲渚言

雲雨乖

朋好雲雨乖張載詩云雲乖雨散心乎愴而

河陽別

愧茲山陽讌空此河陽別曹植送應氏詩云親昵並集
送置酒此河陽

忍相思

朝發富春渚蓄意忍相思任彥升詩

送至方山

文選謝靈運為永嘉太守鄰里相送至方山靈運作鄰里相送至方山詩

枯桑知風

枯桑無枝葉則不知風海水不凝凍則不知寒以諭婦知夫也古樂府

入門自媚

入門各自媚誰肯相為言

弦驚

傷禽惡弦驚倦客惡離聲

斷客情

離聲斷客情鮑明遠詩

賓御

賓御皆涕零

天一涯

相去萬里餘各在天一涯注涯方也選古詩

巢南枝

胡馬依北風越鳥巢南枝選古詩

雙飛燕

思為雙飛燕銜泥巢君屋選古詩

著相思

文綵雙鴛鴦裁為合歡被著以長相思緣以結不解注被中著緜緜之意選古詩

天一隅

海金石錄 卷之六
風波一失所各在天一隅李少卿詩

天一方

各在天一方蘇少卿詩

涕霑翰

涕霑翰衣襟也如鳥之有羽翰蘇少卿詩

安得翼

願飛安得翼欲濟河無梁魏文帝詩

商參

殊隔過商參王元長詩

官乳獨

佳人官乳獨張景陽詩

心悟永

凄凄節序高寥寥心悟永謝靈運詩

陽雲臺

相思巫山渚悵望陽雲臺謝琨詩

參商闊

面有逸景之速別有參商之闊曹子建書

逸景見上

餞送門

歸客

送孔令辭位詩云歸客遂海隅脫冠謝朝列

方舟

方舟析舊知對筵曠明牧方舟並舟也謝靈運詩

揚舲

海金石事 卷九
孔法生送王少傅若人鑒殆辱解紱揚歸舲

熨斗坡 見地門

相風竿

耿緯送人水行相風竿影曉來斜渭水東流去不賒

呼風去

劉昭禹送人舟行江上呼風去天邊挂席飛

橫霓

李賀送人北征髯胡頰犯塞驕氣似橫霓

絃上箭

封侯早歸來莫作絃上箭李賀詩

悵飲

今晨魯東門悵飲與君別陸韓卿詩

胆未悵

顧望脰未悵汀曲舟已隱悵正也於玄切謝靈運詩

保嘉悵

行矣保嘉悵景絕繼以音影也陸士衡樂府

患難門 悲傷附

如縷縻

王仲宣涕下如縷縻注古杏反

沈痛

眷言懷君子沈痛切中腸謝靈運詩

五內

哀鬱傷五內注淚沾珠纓石季倫詩

淚流霰

佳期悵何許，淚下如流霰。謝玄暉詩

前魚

陸韓卿詩：子瑕矯後駕，安陵泣前魚。事見中山王孺子妾歌注。

兒女仁

憂思成疾病，無乃兒女仁。曹子建詩

神 謗缺

心人固陋，坐貽謗缺。江文通書

圓 抱痛

抱痛圓門，含憤獄戶上。

悽入肝脾

諫北狄之遐征，奏胡馬之長思。悽入肝脾，哀感頑豔。

休化賤

貼危

貼危賴宗袞，微管寄明牧。賈誼曰：安有天下貼危？若是注臨危曰貼音鹽。謝玄暉詩。

橫潰

天地中橫潰，家皇拯生民。言世亂也。魏太子

沒元象

伊洛既燎煙，函嶠沒元象。象道也。言漢之亂。王崇詩

履影弔

履影弔心酸，鼻痛骨。江文通書

屠鱠

劉遴之書云：奄丁禍罰，五內屠鱠。

百罹

遭也憂也詩言逢此百罹選流宕百罹之疇

咀痛茹哀

咀痛茹哀嬰憤忍酷梁簡文帝

凶功

謝方明值孫恩之亂合門遇禍資產無遺而營舉凶功甚力

涕橫集

今臣心結日久每聞幼眇之聲不知涕泣之橫集也漢中山王勝傳

哀囀

綺樓何氛氲朝日正杲杲玉顏上哀囀絕耳非世有言

哀唱也李白詩

九迴

腸一日而九迴馬遷書

鳥哀鳴

魚以泉涸而煦沫鳥因將死而哀鳴廣絕交論

同憂相救

子胥日子聞河上之歌者乎同病相憐同憂相救

幅抑失聲

幅抑失聲迸涕交揮潘安仁誄

詠時禽

目感隨氣草耳悲詠時禽草隨氣序而變禽應時月而鳴陸士衡詩

游覽門 眺望附

晨策

晨策尋絕壁夕息在山陰謝靈運

中坐

中坐瞰蜿蜒俛伏視流星注中坐半山坐也 江淹香爐

峯詩

倒景

一舉凌倒景無事適華嵩謂在日月之上日月反從下照故謂之倒景 沈休文

賞心晤

將窮山海迹永絕賞心晤注晤對也 謝靈運詩

山行

溯溪終水涉登嶺始山行 謝靈運詩

水宿

客游倦水宿風濤難具論 謝靈運詩

與命

與命公子攜手同車言起命公子將同遊也 嵇叔夜詩

結飛轡

三閭結飛轡言將遠遊也 陸士衡詩

近尋

瞻目有極覽游情無近尋 范蔚宗

肴駟酒駕

肴駟連鑣酒駕方軒 七命

之字

送人遊九疑漆燈尋黑洞之字上危峯劉昭禹詩

與馬成三

沈慶之既貴給三望車慶之謂人曰我每游履田園有人時與馬成三無人日與馬成二今乘此安之遂固護三望車三公所乘也

六事思君

白居易遊山玩水攜詩卷看月尋花把酒盃六事盡思君作伴幾時歸得洛陽來

後騎

後騎盡幽并同人皆沈謝耿緯詩

倚釣

蓮浦浪澄堪倚釣柳堤風暖好垂鞭褚載詩

菱鞋

深山寺路千層石竹杖菱鞋便可登劉得仁詩

光車服馬

光車服馬遊都城陸機百年歌

道鍵禪關

二室名遊花時雪夜三堂勝賞道鍵禪關四六集

靜賞

靜賞應難極孤懷自不禁林逋

重山復水

平昔常聞溪口路重山復水去無窮林逋詩

解夜醉

細露濕團紅寒香解夜醉李賀詩

歌堂舞閣

藻局黼帳歌堂舞閣之基璇淵碧樹弋林鈞渚之館蕪城賦

投鉤

賞心樂事不廢良辰迂燭投鉤必窮永夜段成式

寺寺樓

倚遍江南寺寺樓杜牧之詩

濟勝具

許掾好遊山水而體便登陟時人云許非徒有勝情實有濟勝之具世說

南山幽

希君同攜手長往南山幽李白詩

搏壁

自云歷天台搏壁躡翠屏李白詩

雲間下榻

雲間逢下榻天上接行盃上

天上行盃見上

攀日月

杳出霄漢上仰攀日月行李白詩

險尋危造

絕澗方險尋亂岩亦危造陸羽詩

搏芬若

搏芬若以為枕席荃蘭而蒞芳蒞昌待反

飛蓋

清夜遊西園飛蓋相追隨曹子建詩

駢筵

輟策共駢筵謝惠連詩

憇榭

憇榭面曲汜謝惠連詩

耳目驚

不尋遐怪極則知耳目驚江文通詩

行樂

攜手共行樂謝玄暉詩

送歸鴻

目送歸鴻手揮五弦嵇叔夜詩

青雲霓

上陵青雲霓下臨千仞谷司馬紹統詩

登頓

山行窮登頓水涉盡洄沿登頓上下也

島易陟

藤垂島易陟崖傾嶼難傍丘希範詩

送春日

出沒眺樓雉遠近送春日謝玄暉詩

陵虛上

茗茗寄意勝不覺陵虛上許徵君詩

摠轡

薄言遵郊衢摠轡出臺省謝琨詩

鶩望

謝琨詩驚望分寰隧矚目盡都甸驚望馳目遠望也倉
頡篇曰矚矚視之貌也

矚目見上

同乘並載

同乘並載以游後園 魏文帝書

故舊門感舊附

故心人

故人心尚尔故心人不見 謝玄暉詩

託心如舊

蜀夏侯霸謂張嶷曰雖與足下疎闊然託心如舊

刮目相待

吳志呂蒙謂魯肅曰士別三日則刮目相待

疇曩

借日如昨忽焉疇曩 盧子諒詩

青芜國

玉樹歌闌海雲黑苑庭忽作青芜國 李嘉祐詩

王榭鷺

王榭金陵人海中失舟落在烏衣國以女妻之及歸以
詩繫鷺尾往來時目所居為烏衣巷劉禹錫有詩曰朱
雀橋邊野草花烏衣巷口夕陽斜舊時王榭堂前鷺飛
入尋常百姓家

博物門

勞薪飯

師曠食飯云是勞薪所炊晉平公使視之果然車軸

此附名
之類

龍肉鮓

有人寄陸機鮓訝其異因餉張華華曰此龍肉也機時不信華曰以酒漬之當有異也便以酒濯之即有五色之彩

石鼓

吳郡臨平岸崩出一石鼓椎之無聲帝以問張華華曰可取蜀中桐木刻為魚形扣之則鳴矣於是如其言果聲聞數里

阮咸

有人破古塚得銅器似琵琶身正圓人莫能辨行冲曰此阮咸所作器也命易以木絃之其聲亮雅樂家遂謂

阮咸

上壽門生日附

大筭

顏延年詩永錫洪筭注言天錫大筭使長久也

龜鶴年

游仙詩借問蜉蝣輩寧知龜鶴年

黃髮期

王其愛玉體俱享黃髮期曹子建詩

千金壽

主稱千金壽賓奉萬年觴上

盈數

遠期鮮克及盈數固希全謂上壽百二十歲盈此數也

古樂府

賢主人

王仲宣公讌詩願我賢主人與天享巍巍

萬堯年

沈約神仙篇億舜日萬堯年詠湛露歌採蓮願維百和香宛轉金鑪前

億舜日 見上

壽倒三松

女仙上元夫人降封陟陟不顧夫人曰我能令君壽倒三松傳奇

玉枝卜壽

東方朔得西鄒國玉枝以進武帝賜近民年高者云病則枝汗死枝折老聃得之七百年不汗偓佺得之三千

年不折 洞冥記

齡紀鬱巍巍 見養生門

三祝

年年三祝候堯莫清曉焚香啓梵扃盖用華封請祝事王禹玉

天已上

處羅可汗上隋帝壽曰自天以下地以上日月所照惟有聖人

奉觴上壽

奉觴上壽上天子酒也 馬遷書

維嵩

小臣陪宴鎬獻壽奉維嵩 韋安石

無央鸞鳳

無央鸞鳳隨金母來駕薰風一萬年陳陶朝元引

羨門比壽

羨門比壽王喬爭年養生論

遐紀

宜享遐紀長保天秩潘安仁誄

文星助彩

不惟嵩嶽降神固亦文星助彩

誕日

詩稱誕弥厥月言后稷之生大滿過其常月後人因謂生日為誕日盖失本意

膝席

寶嬰為壽獨故人避席餘半膝席注以膝跪席上也

鑒戒門

滿歌

器惡含滿欹物忌厚生沒鮑明遠詩

概滿

鬼亦害盈天能概滿李義山文

欹器論

太宗常作欹器真宗為之贊仁宗遂製欹器論

月滿則微

月滿則微日中則昃張華女史箴

隆隆者墜

無矜尔榮天道惡盈無恃尔貴隆隆者墜上

座右銘

座右銘崔瑗字子玉手刃兄之仇蒙赦而出作此銘以自戒常置之座右

奉佛仙門

施身

大同元年梁武幸同泰寺講金字三慧經皇太子仍施身以下奉贖

圖作佛

何次道往瓦官寺禮拜甚勤阮思曠語之曰卿志大宇宙勇邁終古何日卿今日何故見推阮曰我圖數千戶郡尚未能得卿乃圖作佛不亦大乎

歡喜園

沈佺期奉勅撰菩提像文冕旒多暇每尋歡喜之園輿輦經行卽對醍醐之沼

醍醐沼見上

鷹師曹

魏文帝詔罷鷹師曹以其地爲太后立報德佛寺

靈氣仙才

燕昭無靈氣漢武非仙才郭景純遊仙詩

億萬贖帝

梁武帝大通元年幸同泰寺釋御服披法衣行清淨大捨以便省爲房羣臣以錢億萬奉贖皇帝奉表請還臨宸極三請乃許帝答書稱稽首

救苦齋

梁大通二年都下疫甚帝於重雲殿爲百姓設救苦齋
以身爲禱

無遮會

梁武帝大通元年幸同泰寺設四部無遮大會二年設
平等會

平等會見上

法喜食

梁武大同三年幸阿育王寺設無等法喜食

思賢門

微管之嘆

微管之嘆傅季友修張良廟教

九原可作

趙文子遊於九原曰死而可作我則隨武子乎傅季友教

戒慎門

覆舟

蔡謨每事必過防時爲語曰蔡公過浮航帶腰舟長

吹壑

楚辭云懲熱羨者吹壑注歎羨而熱見壑恐而吹

踐露

履霜知冰踐露知春蔡邕傳

食桃不康

馮道曰食桃不康見李思戒瑣言

疾顛腊毒

左傳高位實疾顛厚味成腊毒腊久也言味厚者爲毒

又也

陰重不泄

陰重不泄不泄人言也周仁

垂堂

鄙諺曰家累千金坐不垂堂注言恐瓦墮之傷馬遷書

肩影嚴凝

肩影嚴凝側身肩禁皆是清禁之地言戒懼也江文通書

宴安鳩毒

古人以宴安為鳩毒管敬仲曰宴安鳩毒不可懷也

刺舌

賀若弼父敦為宇文護所害臨刑呼弼謂之曰吾以舌死汝不可不思因引錐刺弼吐血誠以慎口

阿附門 依恃朋與附

回從

王莽擅國權羣臣莫不回從注云回曲也

回塗

蔡邕云盍亦回塗要至俛仰取容要音腰回者曲也

左官

後漢丁鴻上書云左官外附之臣前漢書有左官阿私之黨

芳林十哲

沈雲翔等十人交通中貴號芳林十哲芳林門名也

喪家狗賦

寇瑊附丁謂故少達謂敗鬱鬱不得意彭齊作喪家狗

每錄解

賦以諷

向火乞兒

張九齡見朝士趨楊國忠以求官語人曰此曹皆向火乞兒出天寶開元遺事

郭尖

郭景尚字思和善事權寵世號曰郭尖

阿尊事貴

元帝徵周堪詔不能阿尊事貴孤特寡助

朋黨執虎

衆煦漂山聚蚊成雷朋黨執虎十夫撓權蟲古蚤字

鼠憑社貴

鼠憑社貴狐籍虎威恩倖論

怨嘆門

糞上英

昔爲匣中玉今爲糞上英石季倫詩

末光

願君廣末光照妾薄暮年陸士衡詩

抱影

箕箒留江介良人處鴈門朱火獨照人抱影自愁怨王景玄詩

雷歎

梁昭明太子有所思云雷嘆一聲響雨淚忽成行

橫陳

主人女爲臣歌曰怵惕之心今徂玉牀橫自陳兮君之

海鏡石事 卷之十
傍君不御兮妾誰怨死日將至今下黃泉

萬憤詞

萬憤詞投魏郎中時在獄中李白

隨氣草

目感隨氣草耳悲詠時禽陸士衡詩

詠時禽見上

千載恨

徒積千載恨空負百年愁鮑明遠詩

食梅酸

食梅常苦酸衣葛常苦寒鮑明遠詩

慕賢門

側帽見冠冕門

解散髻見銀珥門

劉揚同軌

譙周語陳壽曰昔孔子七十二劉向揚雄七十一而沒
今吾年適七十庶慕孔子遺風可與劉揚同軌不出後
歲必便長逝出蜀志

穿角履

王遵業爲黃門郎從容恬素若處丘園嘗着穿角履好
事者多毀新履以學之

譏朝門

鳳凰猪猪

詞家之吃已甘鳳凰貽嘲翰園之癡仍以猪猪見誦段
成式

嘲熱客

平生三伏時道里無行車閉門避暑臥出入不相過只
今襪襪子觸熱到人家主人聞客來嘖感奈此何搖扇
臂中疼流汗正滂沱傳戒諸高明熱行宜見呵古文苑

窮兵獨舞

于頔聞韋臯撰奉聖樂以進亦撰順聖樂而進其曲將
半行綴皆杖而一人舞於中將進閱之慕容韋綬在坐
曰何用窮兵獨舞以諷頔云國史補

蚤虱名器

蚤虱名器鼠雀倉庾陸龜蒙訊小人也

微文譏刺

微文譏刺貶損當世司馬遷

覆盆謠

覆盆謠施肩吾作諷同州考試官

鷄棲樹

世語劉放孫資共典機任夏侯獻曹肇心內不平殿中
省有鷄栖樹二人相謂此已久矣其能復幾以指資放
果斷門機會附

日中斐

黃帝曰日中必斐操刀必割太公曰日中不斐是謂失
時操刀不割失利之期斐音衛暴曬也

蝮蠱

蝮蠱手則斬手蠱足則斬足郭璞云蝮虵細頸大頭焦
尾色如綬文文間有毛似猪鬣鼻上有針大者長七八

尺一名反鼻蠹火各反螫

矢在弦

矢在弦上不可不發 陳琳對曹公之言

弦謚門

玉山樵人

韓偓玉山樵人有香奩集行於世見詩序

隱居

北齊李緯放達自號隱居 出本傳

上行先生

梁庾洗遵釋教宅內立道場禮懺及死空中唱曰上行先生已生彌勒淨域矣

史遁先生

唐張薦為史館修撰朱泚亂變姓名匿城中著史遁先生

逍遙公

五代韋叟號逍遙公

耐辱居士

司空圖退居自號耐辱居士

青牛師

後漢封衡字君達能行容成御婦人術號青牛師

貞耀先生

貞耀先生韓愈謚孟郊

武林居士

郎簡即錢塘城治園廬自號武林居士

問政先生

聶師道楊行密奏號問政先生

五知先生

李紳自以久官不至顯用內不自得作五知先生傳曰
知時知難知命知退知足以見志云

外監

祕書監賀知章性放曠自稱四明狂客又號祕書外監

青蓮居士

荅湖州迦葉司馬問曰是何青蓮居士謫仙人酒肆藏
名四十春

元真子

張志和肅代間居江湖自號元真子每垂釣不設餌志

不在魚也常撰漁歌

頌德門

風軌

風軌德音為世作範陸士衡頌

汪汪軌度

汪汪軌度恂恂德心上

茂世之規

醇洪暢之德豐茂世之規羽獵賦

咳唾為恩

咳唾為恩眴眴成飾任彥升賤

玉質

玉質幼彰金聲夙振任彥升表

曄若春榮

曄若春榮劉若清風曹子建書

風情張日

風情張日霜氣橫秋張去声北山移文

詠雲門

詠雲門者難為音觀音和者難為珎班固曲引序

翼百神

翼百神禔萬福石關銘

聽參臯呂

聽參臯呂稱眸子張臯陶呂侯也

含辰象

含辰象之秀德體河岳之英靈沈休文碑

自敘門

高鳥候柯

高鳥候柯潛魚釋淵陸士衡頌

孤奉明恩

孤奉明恩言虛負明主之恩也月賦

幽介

臣東鄙幽介長自丘樊月賦

泰荷過任

泰荷既過任張茂先詩

責重才輕

道長苦智短責重愧才輕

纓時網

海鏡 卷之十
牽世纓時網 陸士衡

行能無筭

眺實庸流行能無筭謝眺也 謝玄暉牋

褒采一介

褒采一介抽揚小善

旅融

渤海方春旅融先謝

輕舟反溯

輕舟反溯弔影獨留

去德滋永

去德滋永思德弥深

悲來橫集

悲來橫集橫交也中山靖王曰不知泣涕之橫集已上
並謝玄暉牋

庇身有地

徒生之倫庇身有地任彥升牋

顧已循涯

顧已循涯實知塵忝上

牛馬走 見貧素門

閭閻闡葺

閭閻闡葺名教所絕任彥升奏

自點

適足以見矣而自點耳 馬遷書

無所比數

刑餘之人無所比數

勤勤懇懇

勤勤懇懇忠款之貌

賤事

會從上來又迫賤事

款款之愚

款款之愚心勤貌

戴盆

戴盆何以望天

咯陳固陋

書不能悉意故略陳固陋已上並馬遷書

係轅之歌

係轅之歌有應風雅曹子建書

赧然汗下

申言再三赧然汗下吳季重書

孤露

少家孤露毋兄見憐嵇叔夜書

筋駑肉緩

筋駑肉緩性復疎懶

嬾慢相成

簡與禮相背嬾與慢相成

自卜

自卜已審

貴遠賤近

常人貴遠漸近向聲背實

七不堪

有必不堪者七其不可者二上並嵇叔夜書

金張援

官無金張之援游無子孟之資應休璉書

脣腐齒落

脣腐齒落服膺而不可釋東方朔荅客難

塊然無徒

塊然無徒廊然獨居上

寡偶

寡偶少徒上

搨朽磨鈍

搨朽磨鈍鉛刀皆能一斷班孟堅荅賓戲

行能無異

臣雄經術淺薄行能無異與羣賢並位愧無以稱職劇
秦美新

度長絜大

度長絜大比量權力不可同年而語賈誼過秦論

寒谷成暄

叙温燠則寒谷成暄論嚴苦則春叢零葉廣絕交論

位末

位末名卑潘安仁詩

卑人

劉輔上書云卑人不可以為主腐木不可以為柱

園鑿方枘

園鑿方枘吾固知其鉏鋸而難入九辨

物類相感門

風寥唳

虎嘯而風寥唳龍起而雲致氣四子講德論

仇偶相從

仇偶相從鳴聲相應上

俟秋吟

蟋蟀俟秋吟蜉蝣出以陰上

彫虎

彫虎嘯而清風起謂虎文如彫畫廣絕交論

時官稱號門

名相

漢張蒼贊曰張蒼文學律曆為漢名相本傳

方外司馬

晉謝奕桓溫辟為安西司馬猶推布衣如在溫坐岸幘笑詠無異常目溫曰我方外司馬

薛校書

薛濤妓人也有學善屬文章臯欲奏以校書護軍從事以為不可遂止至今呼薛校書

儒林先生

常爽不事王侯獨守閑靜講肄經典二十餘年時號儒林先生

北門學士

海鏡碑事 卷九十一
劉偉之爲弘文館直學士上元中與元萬頃等皆召入
禁中高宗密與參決時政以分宰相權時號北門學士
時號數稱門

何氏三高 見隱逸門

三珠樹

唐王福時三子勳勳勃皆有才名時謂王氏三珠樹

兩玉人

宋書謝晦與謝琨俱在武帝前帝曰一時頓有兩玉人

四明逸老

四明逸老李白稱賀知章云

三教布衣

唐陳向以詩名兼釋老學自號三教布衣

竹溪六逸

唐孔巢父韓維裴政李白張升卿陶沔隱徂徠山時號

竹溪六逸

三不開

五代馬喬孫純儒也登相位臨事多不能決但書名而已
時人號爲三不開謂不開口議論不開印視事不開
門延士大夫

三列宿

唐韋叔諧與弟叔謙兄季武爲郎中同時在省時號三
列宿 韋湊傳

三盧會

五代盧會分司洛下與右僕射盧質散騎常侍盧重嗜

酒好遊山水朝士目為三盧會

三素望

宋阮萬齡袁豹江夷相繼為孟昶司馬時人謂昶府有三素望王弘之傳

五柳

五柳先生傳云先生不知何許人也亦不詳其姓字宅邊有五柳樹因以為號陶淵明傳

三達

韋孟達公孫伯達魏仲達扶風平陵人同時齊名號二達出決錄

二仲

戈仲羊仲皆治車為業挫廉逃名蔣元卿去兗州還杜

陵荆棘塞門舍中有三徑不出惟二人從之游時謂之

二仲見嵇康高士傳

韋氏三君

韋順韋豹韋義清河太守韋文高之三子皆以學行知名時號韋氏三君見京兆舊事

五侯

王譚商章根逢以元后弟同日受封號五侯出後漢

二唐

唐林唐尊並沛人以潔履著名于成哀之世號二唐

五處士

徐稚韋著袁閎姜肱李曇號五處士出續漢書

涼州三明

涼州三明張奐字然明皇甫規字威明段熲字紀明後漢

萬石嚴媼

延年五人皆三公大官時號其母萬石嚴媼

時號喻物門

錙脚刺史見刺史門

五龍

郭景純詩奇齡邁五龍注五龍皇后君四人皆人面而龍身長曰角龍次徵龍次商龍次羽龍父曰官龍父與諸子同仙在五方

胡蝗

晉愍帝時大蝗司冀青雍各蝻石勒亦競取百姓禾時人謂之胡蝗

繡虎

曹植七步成章時號繡虎

伏鸞隱鵠

鄧文號伏鸞陸雲號隱鵠玉箱雜記

兩驥

劉正兄弟二人時號兩驥

鄭氏羣虎

五代閩中鄭昌有八子皆以詞學聞號鄭氏羣虎

熬上胡孫

朝野僉載楊仲嗣躁率魏光乘目為熬熬上胡孫

雲中鶴

公孫淵云邴原可謂雲中白鶴

春花客

蕭映荅晉安王書云春花之客登座右而升堂祕實之賓應虛左而入室

鶴鳴鷄樹

鳳閣侍郎杜景儉文章知識皆高遠時號為鶴鳴鷄樹朝野僉載

鳩集鳳池

王及善才行庸猥為內史時號鳩集鳳池朝野僉載

斷窓舍人見舍人門

釘坐梨

唐崔遠時目為釘座梨言世所珍也

八埤學士見翰苑門

六龍

晉書卞氏六龍立仁無雙卞粹字立仁

金珠御史

會稽王綵以待御史為廣南東路轉運使兼提舉市舶舊番稅之來十稅其一必擇精者綵令精粗兼取夷人悅之目為金珠御史會稽圖經

射鴟都將

元幹以二箭下雙鴟軍中號為射鴟都將

青錢學士

張鷟文詞猶青銅錢萬選萬中時號青錢學士

軟餅中丞

偽蜀韋叡性多依違時號軟餅中丞

又有公沙心

白兔御史

縮葱侍御

驄馬御史 並見御史門

瘦羊博士

後漢甄宇臘日賜羊大小肥瘦不等眾欲殺羊分肉又欲投鈞宇耻之因先取最瘦者後召會帝問瘦羊博士安在

驚蛺蝶

北齊魏收字伯起輕薄尤甚人號為驚蛺蝶

羊公鶴

羊叔子有鶴能舞遇客稱之氈毳而不肯舞殷中牟稱劉爽之于庾公庾與語殊不稱庾小失望遂名劉羊公

鶴

公沙五龍

公沙穆之五子並有令名號公沙五龍 魏明帝甄表狀

並鳳

蔡邕崔寔號並鳳又與許受號三龍 玉箱雜記

泥下潜珪

王仲宣號泥下潜珪上

臥虎

後漢董宣字少平為洛陽令格殺湖陽公主蒼頭帝令宣謝主不從赦強項令出賜錢二十萬宣悉以頒諸吏由是搏擊豪強莫不震東京師號為臥虎歌之曰枹鼓不鳴董少平

水晶燈籠

劉隨臨事明銳在蜀人以為水

時號雜名門

皮裏晉書

劉孝綽之子諒字求信博悉晉事時號皮裏晉書

謝白面

謝石少患面瘡療之莫愈乃自匿夜有物來舐之其瘡遂瘥舐處甚白世呼謝白面

李常在

有姓李人世世人見之不知其名因號李常在

江湖散人

陸龜蒙號江湖散人

卜田居

卜彬字士蔚自称卜田居婦為傳蚕室

北郭先生

漢書汝南廖扶者畢志衡門死葬北郭號北郭先生

涪翁

益部耆舊傳云廣漢有老翁釣于涪水自號涪翁

史通子

王莽求封司馬遷後為史通子

紫髯將軍

張遼問吳降人紫髯將軍長上短下是誰答曰是孫會稽也獻帝春秋

田舍漢

婁師德曰師德不是田舍漢更阿誰是

夜半客

王莽為宰衡甄封旦夕入謀議時語曰夜半客甄長伯
彭寵傳

馬留

馬伏波有餘兵不返居青洽縣自有婚姻號馬留

東路徐見富貴門

獨立使君見刺史門

宣文君

晉宋逞之母韋氏以經教授生徒號宣文君

蔡魯曾子

蔡曇智鄉里號蔡魯曾子

何展禽

何伯璵兄弟號為何展禽高士沈頭顱並重之

侍芝郎

吳志黃耆獻鬼目草芝草孫皓以耆為侍芝郎

束草師

立法寺一僧以束藁焚身世號束草師

荔挺法師

江陵一僧面形上廣下狹似馬莧劉紹因呼為荔挺法
師

豐年玉

世稱庾文康為豐年玉雅恭為荒年穀

孫郎

孫策年少雖有位號而士民皆呼爲孫郎

聖府君

搜神記陳斐爲酒泉太守將行卜者曰遠諸侯放伯裘則無害既到官侍醫有張侯直醫有王侯心悟曰此謂諸侯乃遠之一日夜有物來被上以被冒取欲殺之鬼曰我千歲狐也字伯裘若赦我當相報有急難但呼我字斐乃放之後有事輒以語斐一日白事云北界有賊驗之果然時號斐聖府君

水仙

越絕書吳子胥水仙也

書樓

唐李硤聚書至萬卷手不釋卷世號李書樓

范長頭

梁范岫多識前代舊事范雲謂人曰諸君進士威儀當問范長頭也

賈長頭

問事不休賈長頭賈逵也後漢

牛醫兒

牛醫兒黃叔度

牧羊兒

李存信代北牧羊兒耳唐書

黃鬚兒

黃鬚兒魏任城王章

將家兒

齊張欣泰父興世以戰功任方伯欣泰不以武業自居好隸書讀子史武帝曰將家兒何敢作此舉止

乞索兒

乞索兒鄭隱

伏獵侍郎

唐蕭昺讀伏臘為伏獵號伏獵侍郎

童子學士

童子學士宋懷梁人

大令小令見中書令門

行中書

唐楊虞卿日見賓客于第世號行中書

青楊蕭

後周何安住白楊巷蕭脊住青楊巷時人語世有兩儁白楊何安青楊蕭脊

漫郎

元結天寶中避亂商山稱元子或稱浪士漁者呼為聲叟酒徒呼為漫叟及為官呼為漫郎

伏不聞

後漢伏湛清淨無競東州人號曰伏不聞

香尉

述異記漢雍仲子進南海香拜涪陽尉時人號曰香尉

雷尚書

王導有幸妾雷氏頗預政事納貨賂時謂之雷尚書世

潘將軍

海錄碎事 卷九下
後漢楊大眼妻潘氏善騎射夫稱之爲潘將軍

千秋觀主

賀知章棄官詔于會稽置千秋觀命賀主之翰林志

東州逸黨

范諷放肆不拘檢所與遊者多慕其爲人時號東州逸黨山東顏太初作逸黨詩以刺之諷常權三司使

草頭木脚

蘇紳與梁適同時在兩禁人謂之草頭木脚

眼中釘

丁謂既逐寇準京師爲之語曰欲得天下寧當拔眼中釘欲得天下好莫如召寇老

和鼓

曹利用長樞府憑寵自恣而張士遜居其間未常有是非之言時號爲和鼓

陳驚坐 見豪邁門

聖府君 見怪異門

三日醞

周顛過江積年但飲酒三日時謂之三日醞

枯松太保

王建平東川諸將爭功王宗裕立枯樹下未嘗自伐時號枯松太保

海錄碎事卷第九下



